

مجموعه ابوالخیر

۱۷ نجی سنہ

صفر ۱۲۱۴

جزو، عدد : ۵۸



آداب تلبس

بو معلومدر که هر قومك كندینه مخصوص بر قیافتی و آنك دخی بر طرز تلبسی واردر . بوندن بر عصر مقدمه نه قدر اقوام غربیه دن هر برینك منسوب اولدقلری ملیتی فارق اوله جق صورتده آبرو آبرو قیافتلری واردی . نته کیم (وقعه خیریه) قدر بزده کندیمره مخصوص بر قیافتی حاز ایدك .

بوگون اوروبا اقوامنك تلبس ایتمدکاری قیافت ایسه اون طقوزنجی عصرك اوائلنده فرانسزلر طرفدن اتخاذا اولمش و بك آز برزمان مرورنده هر طرفدن مظهر تقلید و قبول اولمشدر . آندن اول هر قوم ، قدیمدن برو کندیلرینه مخصوص اولان طرزده لباس گیرلر ایدی . حتی کسوه سرلری بیله ملیتلرینك علامات فارقه سندن معدود ایدی . حالا دخی اسپانیاده ، ایتالیاده ، اسویچرده ، آوستریا (ی بالا) ده فرانسه نك بره تانیا ، و غاسقونیا طرفلرنده ، اسقوجا ایله ایرلاندهده آلمانیانك اکثر ممالککنده ، نوروچیا و دانیمارقده ، مجارستانده ، رومانیاده ، لهستانده بیوک شهرلردن ماعدا قصبات و قرا اهالیسی قدیمآ لباس اولدقلری قیافتی محافظه ایتمشدر . نته کیم ترك ، عرب ، آرنالود ، بوشناق و کرد و لاز نامرله معروف اولان اقوام عثمانیه دخی ساکن اولدقلری ممالکده قیافت قدیملرینی لابسدر .

فقط بوگونکی گونده اوروپالی تعبیر ایتمدیگمز و آمریقالیلر دخی داخل اولدینی حالده (فرنك) اطلاق ایلدیگمز اقوام ، قیافت مدنیجه یکنسقدر . حتی طرز- تنکملرله منسوب اولدقلری قومیت حقنده - ولوسطیحی اولسون - صورت مخصوصه صده تبعاعده بولنامش ایسه ، بر آلمانی بر هولاندالیدن ، بر اسپانیولی بر ایتالیاندن ،

بر انگیزی بر آوستریالیدن، بر فرانسزی بر بلجیقالی و یا اسویجره لیسن تفریق ایتک قابل دکلدر. چونکه قیافجه جمله سی متحد و آداب تلبس ایسه اقوام متمدنه نك كافه سنده واحددر.

آداب تلبس نهدن عبارتدر ؟

واقعا آداب تلبسدن خبردار اولمیانلر بویله بر سؤال ایرادنده معذوردر.

آداب تلبسی اوگر نك ایچون عسکر صنفی یش نظره آلمق کفایت ایدر. چونکه کوز اوکنه آلتان بر نفرک (آداب تلبسه) رعایت ایدوب ایتدیگی وهله نظرده ظاهر اولور. نظام اوزره کیغش بر نفر فصل اولق لازم گلدیگی هر کجه معلوم ایسه ده، بز بونی مجهول فرض ایدرک تعریف وارانه ایده جگز: بر نفرک گیدیگی لباس، ولو کهنه دخی اولسه، تمیز پاک اولق، یعنی اوزرنده توز طوبراق و یا خود مایعاندن برشی بولاشمه سیله لکه لکش اولماق، سکوگی، یرتینی و یا اسکس بر دوگمه سی بولنماق، آیق قابیری بویانمش، بالاسقه سی، سلاحی، دوگمه لری پارادلمش بولنق، نهایت گیدیگی ستره و یا جاکت قاچ دوگمه و یا قوبچینی حاوی ایسه جمله سی ایسکلنمش، فس و یا قاپاغی آلتنك اوچده ایکی قسمتی ستر ایتک صورتیله کیلش اولق لازم گلور.

شو تعریف ایتدیگمز طرز تلبس نفردن سرعسکره قدر عموم افراد عسکریه ایچون برامر قانونیدر. آگما مخالف الک حقیر بر نقصان، و یا ادنا بر اثر تسامح آداب تلبسی اخلاص ایده جگندن « دیسیپلین میلیتیر » دینلان (ضوابط عسکریه) او نفری مسؤل ایدر.

شمدی گهلم صنف عسکری خارجنده کی صنوف عامیه: معلومدرکه دنیانك هر طرفنده اکثر عادات قومیه ومدنییه نك محل تطبیق وجریانی پای تختلردر. بر قومك سویلیدیکی لساندن، گیدیگی قوندرمیه قدر کافه خواص طبیعیه ومکتسبه سی وكافه حاجات ضروریه ومدنییه سی، طرز معاشرت ومخالطاتی پای تختلرده جاری اولان اصوله تابعدر. وینه معلومدرکه هر قوم متمدن عسکری ومملکی نامرلیله ایکی صنفه

منقسمدر . (ملکی) [۱] دیدیگمز صنف ، عسکری دیدیگمز صنف کی کافه بر قومک عامه انامندن متشکل اولمقله برابر ، صنفملکی دینجه عسکر اولیمان و فقط معاملات و معاشرتده کی کلالری حیثیله عوام ناسدن آبرو اولان طاقم مرام ایدلمش اولور . شبهه یوقدرکه بر شهری ، یعنی افراد ملیکیده دن بری گینوب قوشانغی ، یوریوب گزمک ، مافوق و مادونه تصادفده معتاد اولان آداب و مراسمه رعایت ایتمک خصوصالرنده تربیه مدنیه سی حسیله عوام ناسدن ممتاز عد اولور .

شمعی افراد مملکتدن بر افندی و یا بک که عسکر دگلدر ؛ و عسکر اولیمان هر شخص (سیویل) یعنی افراد ملیکیده ندر ؛ تلبس خصوصنده نصل اولمق لازم گلور ؟ نصل اوله جق ، عسکر دگلدرکه قیاقجه بر قانونه تابع اولسون . آنک قیافتنی ستره پانتالون و قوندره ایله فس تشکیل ایدر . اگر طشره خلقدن و یا اصناف طاقندن ایسه شالوار و یا یوطور ، صالطه و یا چکن و یا بولباسارله متناسب بر آیاق قابیله ساده جه و یا اوزرینه برشی صارلمش فس گیر و بو وجهله صنفنه موافق اولان قیافتنی اتمام ایله جمعیت عثمانیه آرسنه قارشیمه احراز لیاقت ایدر . ایشته بزمدده اصل آ گلاتمق استدیکمز جهت بوراسیدر .

هرکس بیساورکه بز وقتیه باشمزه صارقلی قاوق ، صرتمزه جبهه و یا بنیش ، باجاقلمزه چاقشیر و یا شالوار ، آیانمزه مست یابوج گیر ایدک . اوزمان ایسه جبهه ناک آلتیه (عنتری) کیمکله (نیمتن) کیمک بیننده بر فرق یوق ایدی . فقط (کیمه لک عنتری) تعبیر ایدیشمزدن برده گوندوزلک عنتری اولدیفنی آ گلاشیلور . بو کیمه لک ایله گوندوزلکدن هانگیسنک دها اوزون و یا قیصه اولدیفنی بیله میز . فقط هر حالده یکدیگری تفریق ایده جک بعض اوصاف مخصوصه سی بولنه جغنی

ملایس اولدیفنی معنالدن طولانی سیویل کله سنک مدلولی افهامدن زیاده اشکال ایدم . جگندن بالضروره (ملکی) تعبیری اختیار اولمش و بو اختیار ایسه بالادکی تفسیر دورا دوره سبب اولمشدر .

[۱] بونک فرانسزجه مقابلی اولان (سیویل) تعبیری منسوب اولدیفنی اسانده افرادی جامع و اغیارتی مانع ایسه ده ، حیفا که بومدلولی لسانمزدده حقیقه ادا ایدم جک کله یوقدر . و (مدنی) و یا (شهری) گبی تعبیرله ترجمه سنه قالدیشله بولفظلرک بزده

تصدیق ضروریدر . بو عنتریلرک کیمجه ویا کوندوزه مخصوص اولاندن برنی
لابس اولان بر آدم ، اوزرینه جبه سنی کیمجه سوقاغه چیه بیلوردی . حتی موسمنه
گوره کورک ایلده سوقاقد کزردی . چونکه کورک دخی جبه کی ایجه گیلان
اوابی ساتر بر لباس عد اولور ایدی .

فقط اوزمانک قیافتی دأر سنده دخی هر صنفه مخصوص بر آداب تلبس مرعی
ایدی . مثلاً جبه ایله کورک بیننده ستره لباس اولق اعتباریله بر فرق اولماقله برابر
دوار رسمیدن برینه منسوب اولان بر اقدی مقام مأموریتنه اوینده کیدیگی کورکله
کیده مز و کورکک اوزرینه مطلقاً صنفه کوره جبه ، بنیش کی بر شی کیمجه مجبور
ایدی . حتی علما ایله مأمورین ملکیه ، و اصناف طاقنک جبه لری بیجمجه ، شکجه ،
حتی رنکجه فرقلی ایدی . بونی ایسه بزه قیافت عتیقه عثمانیه نامنده کی اثر ارا نه ایدوبور .
اوزمانک مأمورین حکومتیله صنف علماسنی زی مخصوص صلیله استنا ایدوبده
سائر افراد ناسی پیش نظره آلورسوق کوریرزکه ، کوندوزلک و کیمه لک عنتریسيله ،
جبه سيله ، کورکله و حتی جبه سنی (قارتال قنادی) تعبیر استکلری یولده صاللا
صرت ایدرک هر فرد سوقاغه چیقار ، مسیره یه گیدر ، چارشیده گزه بیلور ایدی .
چونکه منسوب اولدیغی صنف رسمی به کوره بر زی مخصوص اولماقله برابرینه
عموم قومک قیافتی بر نوع ایدی : یعنی ، جبه ، عنتری ، شالوار ، قاقو ، چز مه
یمی ، بابوچ .

شمیدیکی کی نسوان او تاریخده جمعیتله سوقاغه چیقماز ، مسیره لرده رجال ایله
مخلط بر حاله بولتماز ایدی . بو جهتله عموماً ذکور مملکت کندی عالمرنده
بگندکلری طور وقیافته گزه بیلورلر ایدی . باخصوص اجانب دخی هنوز احتلاطه
باشلاماش اولدیغندن ، آداب معاشرت مز واقف دگلدی . حاصلی دیاتجه آره مزده
نه قدر فرق وار ایسه اخلاقجه ، عاداتجه ، اطوار جه ، قیافتجه ، معاشرتجه ده اوقدر
فرق وار ایدی . آندن طولاییدرکه ، بعض ضرر سنز طورلرنی تقلید ایدلر مزه
من القدیم (فرنک مقلدی) و تقلید ایدیلان طوره (فرنگانه) تعبیر ایدرلردی .
بز اوزمانلر براز یتشدیگمزدن کرک پدرلر مزله هم سن ویا دها مسن ذواتدن ،

بعض (آلافرانقه) یه اوزه نانلرمز حقننده بو تعبیرلرک بر شیوه مهکمانه ایله سویلندیگنی ایشیدیر ایدک . شمعی ایسه (آلافرانقه) ویا (آلامود) دیوب کجیورز .

بوگون ایسه قاوغه بدل فس ، جبه و بنیشه بدل ستره و بالتو ، رادنفوت ویا یارده سو ، صالطیه بدل جاکت ، شالواره ، چاقشیره بدل پانتالون ، نیمته بدل قواله لی کوملک ، مست بابوجه بدل قوندره ، بوتین کیمکده یز ، کیدیگمز شو البسه ایسه بزم کسوه خارجه مز ، تعبیر دیگرله خانه مزک خارچنده کی قیافتمز درک ، بونکله جمعیت مدنیه آره سنده بولنغه کسب لیاقت ایدیورز . بناءً علیه آداب تلبسه دخی خانه مز خارچنده رعایت ایتمک مجبوریتمده یز . چونکه بر انسان خانه سندن سو قاعه چیقجه کندوسنی مواجهه عمومده بولجق و بناءً علیه خصوصیتدن عمومیه انتقال ایتمش بولنه جقدر . بر آدم دائرة محرمیتده بولندجه استدیگی طور و حرکتی اجراده مختاردر . کیفی استرسه اوطه سنده بر کوملکله اوتورر . « محتسبرا درون خانه چه کار » فقط خانه سندن خارچده بولنجه آداب عمومیه رعایتله مکلف اولدیغنی اوتقالمی در . آداب عمومیه رعایت ایسه هرشیدن اقل آداب تلبسه رعایتله در . بوگون اقلام دولتن برینه منسوب بر افندی تصور ایدیله بیلورمی که ، آياغنده بوتینسر یالکیز جورابه و یاخود جورابسز برترک بولندیی حالده کجه لک عنترسی ویا پانتالون اوزرینه بر خرقة و یاخود کورک کی بهرک مداوم اولدیغی قلده اثبات وجود ایده بیلسون ؟ ایده جک اولورسه حضارک خنده استهزاسنه هدف اولمق برطرف ، درحال خفت عقلنه حکم ایدیلهرک برینه ترفیقاً یا خانه سنه و یاخود طوب طاشی تیمارخانه سنه گوندریلور . چونکه آداب تلبسه مغایر برزی غریب ایله قلمه کیتمک هیچ بر عاقلک خیال و خاطرندن کچمز . چونکه یا خفت عقلنه و یاخود مسخره لغنه حکم ایدیله جگندن امیندر . یا بر قلم اوطه سی خلقنه غریب کورینه جکی ایچون خفت عقلنه دلیل طوتیلان بر قیافت عجیبه ایله صباحلین ویا اقشام اوزری محله قهوه خانه سنه ، ایام تعطیلیده قایغه ، صربه یه ، تیمور یول ، صربه لرینه یینهرک سیره ، اکلتجه یه کیدنلر نهدن عاقل ویا تربیه لی

عد اولنیور ؟ بر قلم خلقنی تحقیر ایتماش اولمق ایچون آداب تلبسه رعایتہ نفسی مجبور بیلان ذوات، بر مملکت خلقته قارشو او مجبوری، نهدن فراموش ایدیور ؟ نیچون عمومہ رعایتی اونودوبده کندینی سخره انام ایلور ؟

تربیه نجیبانه ایله مفظور اولان عالمله میسانده اولاد، پدر و والده سنک حضورینه داخل اوله یئک ایچون قیاقچه قیود تربیه و آداب تلبسه رعایتله مکلفدر، تربیه لی بر عالله ایچنده یتشان بر جوجق اوچقورینی صاللایه رق ولی و ولیه سنک کورده بیله جکی برده طولاشمق شو یله طورسون، خدمتچیسنه تصادف ایده یئک احتمالیه اوطه سنک اشیکندن بر خطوه آتہ من .

وقتیله بر ادیمزک کورده نکلدن شکایه یازدینی بر مقاله ده ایراد ایلدیگی مثاللر صرہ سنده کی شو « کورده نک انسانک کی به جگنه قاریشور: مثلاً علمدان بر ذات کندی فوقده بولنان دیگرینک حضورینه - ولو تموز ائالرنده بمن ده بولنسون - بینشسر و یا خود کتابدن بر ذات آمرینک مجلسنه - ولو قیش اورتہ سی ارضرومده بولنسون - بالکولی گیره من . گیرسه قیامتلر قویار . بیچاره مافوقده کیلری تحقیر ایله آهام اولنور. » فقره ایله بالاده کی مسروداتمز آره سنده تناقض تصویرینه محل یوقدر . او ذاتک شکایتی مراسم نامنه اختیار اولنان تکلفات مفرطه دندر . یوقسه بر قومک ولو کورده نک یولنده اولسون تربیه سنه تعرض دگلدر .

تمنا دیدیکمز اوضاع برستشکارانه وقتیله اکلوب یردن آلدینی طوبراغی باشنه صاحبق یولنده کی حضور تذللکارانه دن متحول بر معامله احترامیه در . بوگون مراسم تشریفاتیجه کوچک مرتبه ده بولنان بر آدم، مراتب رسمیه جه بیوک عد اولنان بر ذاتک حضورینه گیردیگی وقت یرلره قیامق دگل، جزوی بر انخا دخی کوسترمکسزین النی باشنه کوتورمکله ایفای سلام و احترام ایدرسه اوزات طرفندن مظهر استقثال اولمز . هله یردن طاش آلورجه سنه قالدیرمزه اکیلهرک ایدیلان تمنالردن بوگون متلذذ اوله جق جدآ بر بیوک آدم تصوّر اولنه ماز . بو حالده کورده نکک دخی کندی دائره سنده تبدل زمان ایله تبدیل طور ایتسی قانون طبیعت مقتضیاتندن ایمش : البته علمدان بر ذاتکینه علمدان فوقده بولنان بر ذاتک حضورینه

بنیشسز گیر مسنه مساغ رسمی یوقدر . بو کورەنک نتیجەسی دگل، اصول تشریفا-
تیەدن بر قاعده در . بوندن اون بش یگر می سنه اول اقلام ودوئر دولته دوام
ایدن کوچک بیوک مأمورینسک کافەسی ستره گیر ایدی . راده نغوئی بر آدمه
سوقا قده بیلە نادر آ تصادف ایدیلوردی . شمعی ایسه ینه دوئر دولته سترەلی
ذوات ایله راده نغوئی اکتسا ایدنلرک بر استایستیقی طوتیلە جق اولسه اکثریتی
سترە سزلر تشکیل ایدر .

بزم آداب تلبس نامیلە خلقی رعایتە مجبور بیلدیگمز شی کورەنک خلاصەسی
دگل، آداب عمومیه وحتی تربیة قومیه در . بز شمعی کندی عالمزده یشامیورز .
ملکمزده یوز بیگلرجه اجنبی وار . آنلرله معاشرت ومخالطت مجبوریتسده یز .
یا پانتالونی، پالتویی چیقاروب شالواری، جبەینی کیمەلی یز . یاخود سترە پانتالونی حصراً
خارج بیتە تخصیص ایله کورکله، گیمەلک عنتریسیلە سوقاقلرده اونده کررگی نسوان
مملکت آره سنده گزمکدن ابا ایتملی یز .

اوروپاده اکثرینک کسوه جه مراعات ایلدیکی آدابه تطبیق قیافت ایتمسانلری
ضابطە بلده رعایتە مجبور ایدر . ولو ایکی اپیلی بر حال اولسون، کوملگنک یقاسنه
بر بیون باغی طاققلە مکلفدر . و هیچ بر فرد یوقدرکه خوابگاهنده بولندی قیافتله
اوینک قیوسندن طیشارو دگل، حتی قیوسنک اوکنه جیقە ییاسون .

شو مقاله یی اوقویانلردن پک چوغی هیچ شهبه ایتمزکه ذات بجمده مطمح نظر من
اوروپالیر اولدینی ایچون بزی آنلره تقلید هوسکارلغیلە اتمام ایتمک استر . فقط
هردرلو ظنون سیئەدن تجرید نفس ایدوبده وصایامزی آداب مدنیە نامنه سنجیده
میزان انصاف ایدن عقلای امتک بو خصوصده اصابت رأیگری تصدیق ایدە جکلرنده
امنیت برکالدر .

ابوالضیا توفیق